



С.Сейфуллин атындағы Қазақ агротехникалық университеті  
ректорының студенттерге үндеу хаты

**Құрметті достар!**

Біздің университетіміз еліміздегі жетекші жоғары оқу орны болып табылады. Осы оқу жылынан бастап білім ордамызды ғылыми-зерттеу университетіне ауыстыруға қадам бастық, бұл бізге ғылыми-зерттеулерді жүргізуде түбегейлі өзгерістерге қол жеткізуге мүмкіндік береді.

ҚР Президенті Н.Ә.Назарбаев жақындағы жолдауында индустриаландыру бағдарламасы аясында Қазақстандағы жоғары білікті мамандардың жаңа толқыны дайындалатын 10 оқу орнын атап өтті. Бұл оқу орындарының материалдық-техникалық базасын нығайту үшін мемлекеттен он миллиард теңге бөлінеді. Мен біздің оқу орнымыздың жоғарыда аталған 10 университеттің қатарына кіргенін мақтанышпен айтқым келеді. Бұл таяу арада біздің университетіміздің материалдық-техникалық базасының түбегейлі жаңартылатынын білдіреді және болашақта Біз халықаралық деңгейдегі университет боламыз.

Өкінішке орай, қазіргі қоғамда еліміздің дамуын тежейтін жағымсыз құбылыстар орын алуда.

Соның бірі қоғамның құлдырауына апаратын, әлеуметтік жағымсыз құбылыс – жемқорлық болып табылады. Оған бәріміз бірге қарсы тұруымыз керек. Әсіресе, Сіздердің студенттік шақтан жемқорлықтың барлық залалын түсінгендеріңіз аса маңызды. Себебі, Сіздер – ертеңгі басшысыздар, мемлекетіміздің гүлденуі мен кемелденуінің болашағы Сіздердің азаматтық жауапкершіліктеріңізге байланысты.

Біздің университет өз ісіне берілген оқытушылармен ерекшеленді. Білім ордамыздың бүгінгі табыстары – бұл Сіздердің оқытушыларыңыздың тынымсыз еңбегінің жемісі. «Нұр Отан» ХДП-ның құрамындағы Жемқорлықпен күрес

бойынша Республикалық қоғамдық кеңесінің төрағасы Оралбай Әбдікәрімұлы студенттермен кездесуінде біздің университетті «жемқорлыққа бой алдырмаған оқу орны» деп жоғары бағалады.

Дегенмен Біз бұл зиянды құбылыстың тез етек алатынын естен шығармағанымыз жөн. Сондықтан жоғары оқу орнында білім алуда Сіздердің басты мақсаттарыңыз – терең біліммен қаруланып, биік кәсіби құзыреттілікті қалыптастыру.

Мен бірнеше рет шетелдік оқу орындарының ректорларымен әңгімелестім. Батыстың оқу орындарында жемқорлық мәселесі жоқ, себебі оларда өз күшімен білім алу мәдениеті жоғары деңгейде қалыптасқан. Студенттер оқу үшін ақша төлейді, соған сәйкес барынша жақсы білім алуға тырысады. Шетелдік университеттерде «жақсы бағаны сатып алу» түсінігі мүлдем жоқ! Студенттер терең білімсіз кәсіби табыстарға қол жеткізе алмайтынын нақты түсінеді. Біз де осы қағидаттарды өмір сүру заңдылығына айналдыруға кірісуіміз керек. Білімді адамның басымдылығы – білім беру саласында жемқорлық құбылысын болдырмауында.

Университет басшылығы өз тарапынан Сіздердің белсенді қолдауларыңа жан-жақты сүйенбей жемқорлық құбылысына қарсы тұра алмайды. Егер Сіздер жемқорлыққа жол берген жағдайларды байқасаңыздар, тікелей ректор блогына жазуға болады. Сіздерге ректор блогына жазуға тыйым салуға ешкімнің де құқығы жоқ екендігін жеткіземін. Егер мұндай жағдайлар орын алса, олар тез арада тоқтатылады және кінәлілер жазаланады. Ағымдағы жылдың 10 желтоқсанынан бастап университетте Сіздердің шұғыл хабарларыңызды тіркеп отыратын сенім телефоны жұмыс істейтін болады (тел: 31-75-64).

Сонымен қатар, кейде студенттер талапшыл оқытушыларға жала жауып, жалған ақпарат жолдайтынын да ескертіп өткім келеді. Студенттердің мұндай әрекеті – адамгершілікке жатпайды, әдепсіз, қоғамға жат мінез. Бұған жол бермеуіміз керек.

Құрметті студенттер, Сіздер менің ұсыныстарымды түсіністікпен қабылдайсыздар деген сенімдемін. Тек күшімізді біріктіріп, өзара шынайы сенімділік негізінде ғана Біз бұл мәселені түбегейлі шеше аламыз. Естеріңде болсын, университетіміздің табысты жарқын болашағы оқытушылардың ғана емес, Сіздердің де жауапкершіліктеріңізге байланысты.

Құрметпен,  
Университет ректоры, профессор

А.Қ. Күрішбаев